



文庫 17
w96
4

御定杜陸千選卷之七目錄



陸律七言

登擬峴臺

三月二十一日作

豐城村落小憩

桐廬縣泛舟東歸

西村醉歸

遣興

醉中登避暑臺

九月三日泛舟湖中作

御定陸律七言目錄

昭和十六年二月一日贈
陸子千選卷七寄

010185191937

冬夜不寐至四鼓起作此詩

立春後三日作

攜一尊尋春湖上

累日無酒亦不肉食戲作此詩

丈亭遇老人長眉及肩欲就之語忽已張

帆吹笛而去

題書齋壁

幽居書事

感憤

落魄

小雨舟過梅市

得所親廣州書

射的山觀梅

芒種後經旬無日不雨偶得長句

獨酌有懷南鄭

大雪

感興

新年

書憤

臨安春雨初霽

小舟過御園

遊法雲寺觀彝老新葺小園

四月

新霽城南舟中夜興

題齋壁

官居戲詠

登北榭

小酌

秋夜聞雨

醉中戲作

安流亭俟客不至獨坐成詠

歲晚懷故人

因王給事回使奉寄

縱筆

東齋偶書

贈表弟江參議

曉出東城

九月初郊行

衰病

嚴州大閱

寓歎

到嚴十五晦朔郡釀不佳求於都下既不
時至欲借書讀之而寓公多祕不肯出
無以度日殊惘惘也

丁未除夕前二日休假感懷

舟中大醉偶賦長句

雲門感舊

春夕睡覺

杭州夜歸

故山 二首

自東涇度小嶺聞有地可卜菴喜而有賦

覽鏡

以事至城南書觸目

晚飯罷小立門外有作

入城至郡圃及諸家園亭遊人甚盛

次韻范參政書懷

戲詠村居

秋雨初晴有感

晚眺

小園

寄宇文成州

二子

寓歎

雨夜

夢至洛中觀牡丹繁麗溢目覺而有賦

溪上作

詠史

偶懷小益南鄭之間悵然有賦

閒趣

春晚村居

散步東邨

早秋

題齋壁

山園雜詠

舟中戲書

三月十一日郊行

感昔

枕上偶成

六月二十四日夜分夢范至能李知幾尤

延之同集江亭諸公請予賦詩記江湖

之樂詩成而覺忘數字而已

閒居自述

初拜再領祠宮之命有感

睡起至園中

立春日

書憤

春行

賞花至湖上

暮春

病中夜賦

初春欲散步畏寒而歸

豐歲

學書

季秋已寒節令頗正喜而有賦

祠祿滿不敢復請作口號

菴中晨起書觸目

舍北晚步

歲首書事

春日小園雜賦

小築

題菴壁

陳阜卿先生為兩浙轉運司考試官時秦丞相孫以右文殿修撰來就試直欲首送阜卿得予文卷擢置第一秦氏大怒予明年既顯黜先生亦幾蹈危機偶秦公薨遂已予晚歲料理故書得先生手帖追感平昔作長句以識其事不知衰涕之集也

遣興

書齋壁

戲用方外語示客

居室甚隘而藏書頗富率終日不出戶

示兒子

歲晚

登東山

小圃獨酌

御定杜陸千選卷之七

陸律七言

登擬峴臺

層臺縹緲壓城闌倚杖來觀浩蕩春放盡樽前
千里目洗空衣上十年塵縈迴水抱中和氣平
遠山如醞藉人更喜機心無復在沙邊鷗鷺亦
相親

三月二十一日作

蹴踘牆東一市譁鞦韆樓外兩旗斜及時小雨
放桐葉無賴餘寒開棟花明月吹笙思蜀苑軟



御定全宋詩卷之七
塵騎馬夢京華懽情減盡朱顏改節物催人只
自嗟

豐城村落小憇

霜信催寒力尚微郵亭繫馬旋添衣平郊極目
冬耕遍小婦蓂花晚餉歸孤宦每隨征鴈遠故
人已似曉星稀上書自効真須猛菘正堪炊蟹
正肥

桐廬縣泛舟東歸

桐江艇子去乘月笠澤老翁歸放慵一尺輪困
霜蟹美十分湫豔社醅濃宦遊何啻路九折歸

卧恨無山萬重醉裏試吹蒼玉笛為君中夜舞
魚龍

西村醉歸

俠氣崢嶸蓋九州一生常恥為身謀酒寧剩欠
尋常債劍不虛施細碎讎歧路凋零白羽箭風
霜破弊黑貂裘陽狂自是英豪事村市歸來醉
跨牛

遣興

遠簷新葉著啼鶯睡起東窓一榻橫愁衮衮來
疑有約春堂堂去恨無情鶻飛局上新碁勢龍

何定本陸子通
卷七
吼林頭古劍聲莫歎柴荆無客到綠尊還對莫
山傾

醉中登避暑臺

半醉行歌上古臺脫巾散髮謝氛埃但知禮豈
為我設莫管客從何處來剡曲烟波菱蔓滑耶
溪風露藕花開老來世事渾成嬾一櫂幽尋未
擬回

九月三日泛舟湖中作

兒童隨笑放翁狂又向湖邊上野航魚市人家
滿斜日菊花天氣近新霜重重紅樹秋山晚獵

獵青帘社酒香鄰曲莫辭同一醉十年客裏過
重陽

冬夜不寐至四鼓起作此詩

秦吳萬里車轍遍重到故鄉如隔生歲晚酒邊
身老大夜闌枕畔書縱橫殘燈無焰穴鼠出稿
葉有聲村犬行八十將軍能滅虜白頭吾欲事
功名

立春後三日作

拂面毵毵巷柳黃穿簾細細野梅香春回江表
常年早日向山中特地長千古事終輸釣艇一

御定全唐詩選 卷九
毫憂不到禪房綠尊掩罷惟須睡高枕看人舉
世忙

攜一尊尋春湖上

酒裏真須勉策勲百年何啻是中分花梢已點
猩猩血水面初生瑟瑟紋一世極知均腐骨萬
鍾元自付浮雲浩歌不恨無人和但惜驚飛白
鷺羣

累日無酒亦不肉食戲作此詩

小築精廬剡曲傍枵然蟬腹與龜腸酒錢覓處
無司業齋日多來似太常雲碓旋舂菰米滑風

爐親候藥苗香明年更入南山去要試囊中服

玉方

丈亭遇老人長眉及肩欲就之語忽已張
帆吹笛而去

颯颯長眉綠覆肩欲推壽數意茫然若非楚國
庚寅歲定是堯時丙子年銅笛一聲驚宿鷺蒲
帆數幅破晴烟遙知乘醉江湖去黃鶴樓頭又
放顛

題書齋壁

隨分琴書適性情乍寒偏愛小窓明旋煎鬢粟

留僧話故種芭蕉待雨聲丹藥驗方非畏死文
章排悶不求名是間幽事君知否莫怪經秋少
入城

幽居書事

莫歎人間若不諧清時有味是歸來已因積毀
成高卧更借陽狂護散才正欲清言聞客至偶
思小飲報花開紛紛爭奪成何事白骨生苔但
可哀

感憤

今皇神武是周宣誰賦南征北伐篇四海一家

天歷數兩河百郡宋山川諸公尚守和親策志
士虛捐少壯年京洛雪消春又動永昌陵上草
芊芊

落魄

落魄東吳莫笑儂今年要不負春風閒愁擲向
乾坤外永日移來歌吹中酒浪欲爭湖水綠花
光却妬舞衫紅公卿憂責如山重肯信人間有
放翁

小雨舟過梅市

故故催詩襯雨篷悠悠破夢隔雲鐘遙看漁火

兩三點已過暮山千萬峯老矣自應埋病骨歸
哉莫念抗塵容停撓小住青楓岸吳市高人儻
可逢

得所親廣州書

音信連年恨不聞書來細讀却消魂人稀野店
山魘語路僻蠻村荔子繁毒草自搖春寂寂瘴
雲不動晝昏昏此生相見應無日且置清愁近
一樽

射的山觀梅

凌厲冰霜節愈堅人間乃有此癯仙坐收國士

無雙價獨立東皇太一前此去幽尋應盡日向
來別恨動經年花中竟是誰流輩欲許芳蘭恐
未然

芒種後經旬無日不雨偶得長句

芒種初過雨及時紗厨睡起角巾敲癡雲不散
常遮塔野水無聲自入池綠樹晚涼鳩語鬧晝
梁晝寂燕歸遲閒身自喜渾無事衣覆熏籠獨
誦詩

獨酌有懷南鄭

憶從蟠冢涉南沮笳鼓聲酣醉膽麤投筆書生

御定全宋詩卷一
古來有從軍樂事世間無
秋風逐虎花叱撥夜
雪射熊金僕姑白首功名元未晚
笑人四十歎頭顱

大雪

大雪江南見未曾今年方始是
嚴凝巧穿簾罅如相覓
重壓林梢欲不勝
羶怪擲盧忘夜睡金羈立馬怯
晨興此生自笑功名晚
空想黃河徹底冰

感興

築室真須待伯夷起墳仍合近
要離藥來賊境

靈何用米出胡奴死不炊
下石紛紛驚俗薄絕絃寂寂歎
吾衰一尊且作尋春計又見東風浩蕩時

新年

寄迹人間夢已長新年脫帽始
微霜坐中使氣如秦俠陌上行
歌類楚狂掃榻欲招貧與語杜
門聊以醉為鄉稽山剡曲雖堪
樂終憶祁連古戰場

書憤

早歲那知世事難中原北望氣
如山樓船夜雪

瓜洲渡鐵馬秋風大散關塞上長城空自許鏡
中衰鬢已先斑出師一表真名世千載誰堪伯
仲間

臨安春雨初霽

世味年來薄似紗誰令騎馬客京華小樓一夜
聽春雨深巷明朝賣杏花矮紙斜行閒作草晴
窓細乳戲分茶素衣莫起風塵嘆猶及清明可
到家

小舟過御園

聖主憂民罷露臺春風別苑晝常開盡除曼衍

魚龍戲不禁芻蕘雉兔來水鳥避人橫翠靄宮
花經雨委蒼苔殘年自喜身強健又作清都夢
一回

遊法雲寺觀彝老新葺小園

古寺朱扉傍水開高僧笑語共徘徊陰陰曲徑
人稀到一一名花手自栽竹筧引泉滋藥隴風
爐篝火試茶杯此行自喜非生客二百年間六
世來

四月

四月江南暑尚微虛堂初換葛衣時嬾陪陌上

雍容騎且對窓間
膈膊綦繆徑落花猶片片拂
雲新竹已離離
年來病肺踈杯酌應接風光賴
有詩

新霽城南舟中夜興

身是江湖不繫船
雨餘隨處一備然
浮雲盡歛
出青嶂孤月徐升行碧天
收網漁歌移別浦
隔城塔影落前川
明朝閒就平洲飲
巾履追涼又一年

題齊壁

稽山千載翠依然
著我山前一釣船
瓜蔓水平

芳草岸魚鱗雲襯夕陽天
出從父老觀秧馬歸
伴兒童放紙鳶
君看此翁閒適處
不應便謂世無仙

官居戲詠

萬里飄然似斷蓬
桐廬江上又秋風
判餘牘尾
棲鴉溼衙退庭中立鴈空
燈火市樓知酒賤
歌呼村路覺年豐
誰言病守無歡意也與他人一笑同

登北榭

遶城山作翠濤傾
底事文書日有程
無溷我為

名
揮吏散獨登樓去看雲生香浮鼻觀煎茶熟喜
動眉間煉句成莫笑衰翁淡生活它年猶得配
玄英

小酌

簾外桐疎見露蟬一壺聊醉嫩寒天團臍磊落
吳江蟹縮項輪囷漢水鱖投老宦遊真漫爾平
生懷抱固超然文書縛急何由耐會向長安市
上眠

秋夜聞雨

香斷燈昏小幌深不堪病裏值秋霖驚回萬里

關河夢滴碎孤臣犬馬心清似釣船聞急瀨悲
於靜院聽繁砧玉峯老去情懷惡穩受千莖雪
鬢侵

醉中戲作

當年買酒醉新豐豪士相期意氣中插羽軍書
立談辨如山鐵騎一麾空玉關久付清宵夢笠
澤今成白髮翁堪笑燈前如意舞尚將老健壓
諸公

安流亭俟客不至獨坐成詠

憶昔西征鬢未霜拾遺陳迹吊微茫蜀江春水

千帆落禹廟空山百草香馬影斜陽經劍閣
聲清曉下瞿唐酒徒雲散無消息水榭憑欄淚
數行

歲晚懷故人

衰鬢白盡無添處病骨癯然欲折時客抱琴來
聊淪茗吏封印去又哦詩山橫城上勢如壓角
動樓頭聲正悲零落斷鴻書不到歲殘何以慰
相思

因王給事回使奉寄

雨昏郡郭連三日吏報江流忽數回正歎船如
天上坐那知人自日邊來臂弓腰箭身今老航
海梯山運已開漢虜不應常自守期公決策畫
雲臺

縱筆

東都宮闕鬱嵯峨忍聽胡兒敕勒歌雲隔江淮
翔翠鳳露露荆棘沒銅駝丹心自笑依然在白
髮將如老去何安得鐵衣三萬騎為君王取舊
山河

東齋偶書

華髮蕭蕭不滿簪強扶衰病著朝衫寒廳靜似

阿蘭若佳客少于優鉢曇詩酒放懷窮亦樂文
移肆罵老難堪棄官若遂飄然計不死揚州死
劍南

贈表弟江參議

襄州參議真豪傑熟視華途嬾著鞭奪得鸞篋
花裏活皎如玉樹酒中仙才高狗監無人薦句
好雞林有客傳老去眼邊親舊少津亭少為繫
歸船

曉出東城

聽徹清笳聽曉鐘據鞍漏鼓尚鼕鼕西樓落月

徑三尺北嶺亂雲生半峯蒼磴幽尋過古寺綠
疇小駐勞春農烟村已遠猶回首恐有鷄雛與
伏龍

九月初郊行

九月吳中尚袂衣江郊策馬踏斜暉蕎花漫漫
連山路豆莢離離映版扉蒼兔避鷹投澗去黃
鶴脫網傍人飛農家光景關心事不為無才也
合歸

衰病

衰病龍鍾已要扶誰憐猶作折腰趨世無魯國

真男子 心憶高陽舊酒徒 萬里秋風吹鬢髮 百年世事歎頭顱 桐江久客無奇句 孤負君王乞左符

嚴州大閱

鐵騎森森怕首紅 角聲旗影夕陽中 雖慙江左繁雄郡 且看人間矍鑠翁 清渭十年真昨夢 玉關萬里又秋風 憑鞍撩動功名意 未恨猿驚蕙帳空

寓歎

劍外歸耕夢不通 公車上疏路何從 有心求縮

地萬里無羽可朝天 九重狂誦新詩驅瘧鬼 醉吹橫笛舞神龍 明當采藥玉霄去 他日君看冰雪容

到嚴十五晦朔郡釀不佳 求於都下既不時 至欲借書讀之 而寓公多秘不肯出 無以度日 殊惘惘也

桐君故隱兩經秋 小院孤燈夜夜愁 名酒過於求 趙璧異書渾似借 荆州溪山勝處身難到 風月佳時事不休 安得連車載郢釀 金鞭重作皖花遊

丁未除夕前二日休假感懷

掛冠神武莫躊躇
家具何妨載鹿車
怨謗相乘真市虎
技能已盡似黔驢
黃金散後猶耽酒
白髮生來更愛書
新歲定尋林下約
一觴一詠未成踈

舟中大醉偶賦長句

過江何敢號高流
偶與俗人風馬牛
畫楫新搖巖瀨月
清尊又醉戴溪秋
壯心無復在千里
老氣尚能橫九州
古寺試求三丈壁
為君驅筆戰蛟虬

雲門感舊

總角來遊老未忘
背人歲月去堂堂
釋松看到偃霜蓋
廢寺憶曾開寶坊
佛几古燈寒焰短
齋厨新粟午炊香
興闌未忍登車去
更倚溪橋立夕陽

春夕睡覺

破衫羸馬老黃塵
人自衰遲歲自新
積雨恐侵春甲子
昏燈嬾守夜庚申
花枝影轉敲殘月
鼻鼾聲豪撼四鄰
自笑功名猶有夢
散關金鼓震函秦

和安未隱二選 卷十

杭州夜歸

昔如架上九秋鷹今似窓間十月蠅無復囊鞬
思出塞不妨粥飯略同僧白蘋洲晚初回櫂綠
樹村深已上燈莫謂陶詩恨枯槁細看字字可
銘膺

故山

禹祠行樂盛年年繡轂爭先罨畫船十里烟波
明月夜萬人歌吹早鶯天花如上苑常成市酒
似新豐不直錢老子未須悲白髮黃公壚下且
閒眠 禹祠

老尉鴻飛隱市門千年猶有舊巢痕陸生於此
寓棋局曾丈時來開酒樽渺渺帆檣遙見海冥
冥蒲葦不知村數僧也復投詩社零落今無一
二存 梅山

自東涇度小嶺聞有地可卜菴喜而有賦
小嶺西南烟水間頗聞有地百弓寬誰其云者
兩黃鵠何以報之雙玉盤竹塢未昏先曉暖蓮
汀當暑亦清寒一菴何日從吾好會約高人共
倚闌

覽鏡

印定土產字是日 卷七 陸律七言 十五

白頭漸覺黑絲多造物將如此老何三萬里天
供醉眼二千年事入悲歌劍關曾蹴連雲棧海
道新窺浴日波未頌中興吾未死插江崖石竟
須磨

以事至城南書觸目

十里西風吹帽羣江城衣杵遠猶聞路如劍閣
逢秋雨山似爐峯鏢莫雲原上老翁眠犢背籬
根小婦牧羊羣百錢且就村場醉舌本醇醜莫
苦分

晚飯罷小立門外有作

此心何敢慕輕肥尚媿無功飽蕨薇浦面鳥衝
殘靄去柳陰人荷一鋤歸病嗟短髮紛紛白老
覺初心種種非百步空庭著明月黃昏手自掩
荆扉

入城至郡圃及諸家園亭遊人甚盛

老子何曾慣市塵今朝也復入城闈太平有象
人人醉造物無私處處春九陌鶯花娛病眼一
竿風月屬閒身不緣興盡回撓早要就湖波照
角巾

次韻范參政書懷

趙州行脚我安能閒却床邊六尺藤釣閣卧聽
西澗雨棊軒遙見北村燈平生愛睡如甘酒晚
歲憂讒劇履冰剩欲舒懷答清獻半空驚鳳媿
孫登

戲詠村居

歌起陂頭正插秧梯斜籬外又剥桑日長處處
鶯聲羨歲樂家家麥飯香林杏半丹禁宿雨叢
萱自斂避斜陽北窓合是羲皇上已置臨風八
尺床

秋雨初晴有感

炎曦赫赫尚餘威冷雨蕭蕭故解圍
野百蟲如自訴辭柯萬葉竟安歸
笔羹菰菜珍無價上釣魴魚健欲飛
散吏何功露一飽高眠仍聽擣
秋衣

晚眺

秋晚閒愁抵酒濃試尋高處倚枯筇
雲歸時帶雨數點木落又添山一峯
鳴鴈沙邊驚客艣行僧烟際認樓鐘
箇中詩思來無盡十手傳抄畏不供

小園

窄窄柴門短短籬山家隨分有園池客因問字
來攜酒僧趁分題就賦詩晨露每看花薑坼夕
陽頻見樹陰移拂衣司諫猶忙在此趣淵明却
少知

寄宇文成州

成州太守比何如夢裏依然把臂初復起卿當
用卿法長閒吾實愛吾廬五湖風雨孤舟夜萬
里關山一紙書正使兩翁長隔濶子孫它日莫
相踈

二子

兩楹夢後少真儒毀譽徒勞豈識渠孟子無功
如管仲揚雄有賦似相如敬王事業知誰繼準
易工夫故不踈孤學背時空絕歎白頭窮巷抱
遺書

寓歎

人生各自有窮通世事寧論拙與工裹馬革心
空許國不龜手藥却成功早朝王勒千門雪夜
坐蓬窓萬壑風借得奇書且勤讀小兒能續地
爐紅

雨夜

歲晚節茨劣自容齒搖將脫髮將童心遊萬里
關河外身卧一窓風雨中醫不可招惟忍病書
猶能讀足忘窮夜闌睡覺蛩聲裏時見燈花落
碎紅

夢至洛中觀牡丹繁麗溢目覺而有賦

兩京初駕小羊車顛顛江湖歲月賒老去已忘
天下事夢中猶看洛陽花妖魂豔骨千年在朱
彈金鞭一笑譁寄語氍毹裏莫癡絕祈連還汝舊
風沙

溪上作

偃僂溪頭白髮翁莫年心事一枝筇山銜落日
青橫野鴉起平沙黑蔽空天下可憂非一事書
生無地効孤忠東山七月猶關念未忍沈浮酒
醖中

詠史

夜雨燈前感概深為邦一士重千金風雲未展
康時略天地能知許國心劍忽拄頤都將相帽
曾摩耳隱山林英雄自古常如此君看隆中梁
甫吟

偶懷小益南鄭之間悵然有賦

西成梁州鬢未絲
嶓山漾水幾題詩
劔分蒼石高皇迹
巖擁朱門老子祠
燒兔驛亭微雪夜
騎驢棧路早梅時
登臨不用頻悽斷
未死安知無後期

閒趣

老子即今雙白鬢
鏡湖自古幾青山
半窓蘿月獨敲枕
滿院松風常掩關
天地許寬誰礙汝
琴尊是處可開顏
將行亦莫買春草
幸有一筇相伴閒

春晚村居

一事元無可得忙
悠然半醉倚胡床
牡丹枝上青春老
燕子聲中白日長
身世已如風六鷁
文章仍似閨黃楊
太平有象無人識
南陌東阡擣麝香

散步東邨

偶從北嶮繚東崗
曳杖行歌踏夕陽
一徑入雲多鹿跡
數家臨水共漁梁
荜風蕭瑟知龜早
社酒淋漓喜歲穰
鄰曲不須憐老僊
尚能尋句答年光

早秋

落魄巴江號放翁斯名歲晚亦成空酒醒遙夜
孤舟雨睡羨清秋一榻風駭浪千重無死地神
丹九轉有新功雲端不遇飛仙過誰顧幽人寂
寞中

題齋壁

手斲雲根結草廬平生心事滿無餘二升菰米
晨炊飯一椀松燈夜讀書天理直須閒處看人
謀常向巧中踈烟波有趣君知否裂網伸鈎也
得魚

山園雜詠

春光何止二分空寒食都無數日中密葉成陰
花寂寂舊巢添土燕忽忽紙鳶收線愁風惡秧
馬掀泥喜雨濛堪歎今年衰更甚蒼顏縱醉不
成紅

舟中戲書

平生萬事付之天百折猶能氣浩然試問軟塵
金絡馬何如柔艣月侵船英雄到底是癡絕富
貴但能妨醉眠三百里湖隨意住人間真有地
行仙

三月十一日郊行

到處人家可乞漿槐陰巷陌午風涼水陂漫漫
新秧綠山隴離離大麥黃父子力耕春漸老婦
姑共績夜猶長堯民擊壤雖難繼芥羹懷君未
敢忘

感昔

五丈原頭秋色新當時許國欲忘身長安之西
過萬里北斗以南惟一人往事已如遼海鶴餘
年空羨葛天民腰間白羽凋零盡却照清溪整
角巾

枕上偶成

故臣不復望脩門身寄江頭黃葉村酒渴喜聞
疎雨滴夢回愁對一燈昏河潼形勝寧終棄周
漢規模要細論自恨不如雲際鴈南來猶得過
中原

六月二十四日夜分夢范至能李知幾尤
延之同集江亭諸公請予賦詩記江湖之
樂詩成而覺忘數字而已

露箬霜筠織短篷飄然來往淡烟中偶經菱市
尋谿友却揀蘋汀下釣筒白菡萏香初過雨紅
蜻蜒弱不禁風吳中近事君知否團扇家家畫

放翁

閒居自述

自許山翁嬾是真紛紛外物豈關身
花如解笑還多事石不能言最可人
淨掃明窓憑素几閒穿密竹岸烏巾
殘年自有青天管便是無錐也未貧

初拜再領祠宮之命有感

黃紙初開喜可知追懷平昔却成悲
生當京國承平日仕及皇家再造時
小草出山初已誤斷雲含雨欲何施
兒孫賀罷仍無事却赴幽人把

釣期

睡起至園中

春風忽已遍天涯老子猶能領物華
淺碧細傾家釀酒小紅初試手栽花
野人易與輸肝肺俗語誰能挂齒牙
更欲世間同省事勾回蟻戰放蜂衙

立春日

江花江水每年同春日春盤放手空天地
無私生萬物山林有處著衰翁牛趨死地身無罪
梅發京華信不通數片飛飛猶臘雪村鄰相喚賀

年豐

書憤

鏡裏流年兩鬢殘，寸心自許尚如丹。表遲罷試
戎衣窄，悲憤猶爭寶劍寒。遠戍十年臨的博，壯
圖萬里戰皋蘭。關河自古無窮事，誰料如今袖
手看。

春行

九日春陰一日晴，強扶衰病此閒行。猩紅帶露
海棠溼，鴨綠平堤湖水明。酒賤柳陰逢醉卧，土
肥稻壟看深耕。山翁莫道渾無用，解與明時說

太平

賞花至湖上

吾國名花天下稀，園林盡日敞朱扉。蝶穿密葉
常相失，蜂戀繁香不記歸。欲過每愁風蕩漾，半
開却要雨霏微。良辰樂事真當勉，莫遣忽忽一
片飛。

暮春

數間茅屋鏡湖濱，萬卷藏書不救貧。燕去燕來
還過日，花開花落即經春。開編喜見平生友，照
水驚非曩歲人。自笑滅胡心尚在，憑高慷慨欲

忘身

病中夜賦

客如病鶴卧還起燈似孤螢闔復開
首着花催春事去梧桐葉送雨聲來
榮河温洛幾時復志士仁人空自哀
但使胡塵一朝静此身不恨死蒿萊

初春欲散步畏寒而歸

峭寒漠漠入重貂酒力欺人凝不消
春困苦多無處賣客魂欲斷倩誰招
一溪水淺梅枝瘦四野雲酣雪意驕
欲到前村無奈嬾却尋歸路度

西橋

豐歲

豐歲驩聲動四鄰深秋景氣粲如春
羊腔酒擔爭迎婦鼉鼓龍船共賽神
處處喜晴過甲子家家築屋趁庚申
老翁欲伴鄉閭醉先辦長衫紫領巾

學書

九月十九柿葉紅閉門學書人笑翁
世間誰許一錢直窓底自用十年功
老蔓纏松飽霜雪瘦蛟出海掣虛空
即今譏評何足道後五百年言

自公

季秋已寒節令頗正喜而有賦

霜降今年已薄霜菊花開亦及重陽四時氣正
無愆伏比屋年豐有蓋藏風色蕭蕭生麥隴車
聲碌碌滿魚塘老夫亦與人同樂醉倒何妨卧
道傍

祠祿滿不敢復請作口號

今年高謝武夷君飯豆羹藜亦所欣參透莊生
齊物論掃空韓子送窮文心如脫穿犇林鹿迹
似還山不雨雲猶幸此身強健在鄉鄰爭看布

儒帚

菴中晨起書觸目

賦形不使面團團聳膊心知到骨寒晏子元非
枕鼓士杜生那有切雲冠時扶遷客枕擲杖日
厭詩人首蒼盤賴是平生憎阿睹今年初解侍
祠官

舍北晚步

漠漠炊烟村遠近藜藜籬鼓埭西東三叉古路
殘蕪裏一曲清江淡靄中外物已忘如棄屣老
身無伴等羈鴻天寒寂寞籬門晚又見浮生一

存身木石... 卷一

歲窮

朱子大全棄作弊老作此○朱夫子跋陸務觀詩曰季札聞歌小雅而識其思而不

貳怨而不傷者近世東坡公有憂者而深悲之故

題乃得其憂中有樂樂中必有憂者而深悲之故

已未七月二十日雲谷老人觀陳希真所藏為

後記其

歲首書事

東風入律寒猶劇多稼占祥雪欲成鬱壘自書
誇腕力屠蘇不至歎人情呼盧院落譁新歲賣
困兒童起五更白髮滿頭能且健剩隨鄰曲樂
昇平

春日小園雜賦

市塵不到放翁家繞麥穿桑野徑斜夜雨長深
三尺水曉寒留得一分花悶從鄰舍分春甕閒
就僧窓試露芽自此年光應更好日驅秧馬聽
繅車

小築

放翁小築寄江郊屋破隨時旋補茅莫看白烟
橫水際曉聽清露滴林梢生來不啜猩猩酒老
去那營燕燕巢目斷鹿門三太息龐公千載可
論文

題菴壁

陸律七言 二十七

破屋颼颼雀鼠穿邇來四壁愈蕭然錢多孰謂
可使鬼人衆何嘗能勝天秃尾驢遊雲外寺長
鬚奴引竹間泉更餘一事猶當勉讀易從今十
絕編

陳阜卿先生為兩浙轉運司考試官時秦
丞相孫以右文殿修撰來就試直欲首送
阜卿得予文卷擢置第一秦氏大怒予明
年既顯黜先生亦幾蹈危機偶秦公薨遂
已予晚歲料理故書得先生手帖追感平
昔作長句以識其事不知表涕之集也

冀北當年浩莫分斯人一顧每空羣國家科第
與風漢天下英雄惟使君後進何人知大老橫
流無地寄斯文自憐衰鈍辜真賞猶竊虛名海
內聞

遣興

幾看人間歲月新釣船猶繫鏡湖濱曾穿高帝
朝元仗却作山陰版籍民留病三分嫌太健忍
飢半日未全貧早知晝繡能為崇翁子終身合
負薪

書齋壁

平生憂患苦縈纏
菱刺磨成芡實園
天下不知誰竟是
古來惟有醉差賢
過堂未悟鍾將覺
睨柱寧知璧偶全
自笑為農行沒世
尚如鷺鴈落空弦

戲用方外語示客

紅粟青錢一掃空
笊籬行賣學龐翁
身居本地風光裏
愁擲它方世界中
剩欲劇談明不二
誰能太息賞無同
踞牀一喝君聞否
三日猶應覺耳聾

居室甚隘而藏書頗富率終日不出戶

椰子微軀有百窮
平生風際轉枯蓬
豈知蟬腹龜腸後
更寄蜂房螿穴中
學儉久判羹不糝
憚煩惟欲寐無聰
積書充棟元無用
聊復吟哦答俟蟲

示兒子

祿食無功我自知
汝曹何以報明時
為農為士亦奚異
事國事親惟不欺
道在六經寧有盡
躬耕百畝可無飢
最親切處今相付
熟讀周公七月詩

歲晚

無窮世事浩難量
歲晚沈絲卧草堂
短褐圻圖移曲折
故書經蠹失偏傍
賣刀擬買春耕犢
挾筴曾亡舊牧羊
點檢生涯還自笑
菜畦殘葉帶新霜

登東山

老慣人間歲月催
強扶衰病上崔嵬
生為柱國細事爾
死畫雲臺何有哉
熟計提軍出青海
未如喚客倒金罍
明朝日出春風動
更看晴天萬里開

小圃獨酌

少時裘馬競豪華
豈料今為老圃家
數點霏微社公雨
兩叢閒淡女郎花
詩成枕上常難記
酒滿街頭却易賒
自笑邇來能用短
只將獨醉作生涯

御定杜陸千選卷之七

御定杜陸千選卷之七

御定杜陸千選卷之八目錄

陸律七言

遣興

觀畫山水

枕上作

述懷

舟中作

題菴壁 二首

醉中歌

先少師宣和初有贈晁公以道詩云奴愛

御定杜陸千選 卷八 目錄

才如蕭穎士婢知詩似鄭康成晁公大
愛賞今逸全篇偶讀晁公文集泣而足
之

春雨 三首

初夏野興

夏雨

自詒

長飢

偶作夜雨詩明日讀而自笑別賦一首
晚至新塘

枕上

綴筆

秋晚湖上

示子虞

小飲梅花下作

壬戌正月十五日

呂氏子夔郎求詩

北窓懷友

遊西村贈隱者

醉舞

秋思

子聿欲暫歸山陰見乃翁作惡遂不行贈
以此詩

歎老

東軒花時將過感懷

得子聿到家山後書

初歸雜詠

夏日

村居

送陳懷叔赴上臯酒官却還都下

冬初至法雲

野興

連陰欲雪排悶

夢中賦早行

梅

初春書懷

幽居春晚

暮行

野步至近村

久雨

卷八

題北窓

書懷

理夢中意作

自規

述意

初寒示鄰曲

漁家

探梅

道室

流年

讀趙昌甫詩卷

秋思

戲遣老懷

二首

早春出遊

望永思陵

春日雜賦

泛湖

秦皇酒甕下垂釣偶賦

泛舟至近村茅徐兩舍勞以尊酒

再次前韻

印定土產二選

卷八

目錄

四

倚筇

觀邸報感懷

柴門

次韻邢德允見贈

秋夜獨坐聞里中鼓吹聲

自述

憶昔

九月一日未明起坐

秋晚雨中作

冬晴

幽事

去新春纔旬餘霽色可愛

初春幽居

近村

茅舍

春晚

春陰溪上小軒作

自九里平水至雲門陶山歷龍瑞禹祠而

歸凡四日

閒遊所至少留得長句 二首

蘇東坡詩集卷八

北窓

志喜

霜夜

家釀頗勁戲作

書齋壁

雪意

晚晴出行近村閒詠景物

書感

春晴

園中晚飯示兒子

魯墟舟中作

息封渭南伯唐詩人趙嘏為渭南尉當時
謂之趙渭南後來將以予為陸渭南乎
戲作長句

閒遊

衡門獨立

初夏雜興

即事

初秋驟涼

秋夜

蘇東坡詩集卷八 目錄

六

訪村老

讀老子有感

獨坐

梅村野人家小憇

陳讓堰市中遇吳氏老自言七十六歲與

語久之及歸送予過市猶戀戀不忍去

小園

偶思蜀道有賦

山行

舟中有賦

反遠遊

九月二十五日雞鳴前起待朝

榮歸

御定杜陸千選卷之八

陸律七言

遣興

外物元知等一塵浮生何事最關身江山好處
得新句風月佳時逢故人有酒一樽聊自適藏
書萬卷未為貧聖賢自古無如命君看居東與
在陳

觀畫山水

古北安西志未酬人間隨處送悠悠騎驢白帝
城邊雨挂席黃陵廟外秋大網截江魚可膾高

樓臨路酒如油老來無復當年快聊對丹青作
卧遊

枕上作

蕭蕭白髮卧扁舟死盡中朝舊輩流萬里關河
孤枕夢五更風雨四山秋鄭虔自笑窮耽酒李
廣何妨老不侯猶有少年風味在吳牋著句寫
清愁

述懷

宦遊輕用不貲身歛退今為省事人唾俟面乾
元不校羹憂手爛更誰嗔時分鄰甕雙瓶綠永

謝官倉五斗陳最好莫秋溪上路柴門月色向
人新

舟中作

三百里湖新月時放翁艇子出尋詩城頭蟹閣
烟將合波面虹橋柳未衰漁唱蒼茫連禹穴寒
潮蕭瑟過娥祠祖龍虛負求僊意身到蓬萊却
不知

題菴壁

萬疊青山繞鏡湖數椽自愛野人居風來松度
龍吟曲雨過庭餘鳥迹書小疾不妨尋酒去豐

年偶及挂冠初有金可散還多事四壁蕭然計未踈
衰髮蕭疎雪滿巾君恩乞與自由身身并猿鶴
為三友家託烟波作四鄰十日風號未成雪一
年梅發又催春漁舟底用勤相覓本避浮名不
避人

醉中歌

文章日益近衰陋風節久已嗟陵夷元祐大蘇
逝不返慶曆小范今誰知閉門學古人共笑低
頭就俗我却疑脫衣幸可買漁艇爛醉浩歌隨

所之

先少師宣和初有贈晁公以道詩云奴愛
才如蕭穎士婢知詩似鄭康成晁公大愛
賞今逸全篇偶讀晁公文集泣而足之
仕不逢時勇退耕閉門自號景迂生遠聞佳士
輒心許老見異書猶眼明奴愛才如蕭穎士婢
知詩似鄭康成早孤遇事偏多感欲續殘章涕
已傾

春雨

狼籍殘花滿地紅擁衾孤夢雨聲中人生十事

印定士書

卷八

陸律七言

三

九堪歎春色三分二已空但有老盆傾濁酒不
辭衰鬢對青銅長貧博得身強健久矣無心咎
化工

藥爐茶竈淡生涯聽雨猶能惜物華巖岸頓添
三尺水沾泥不似一城花閒摩病眼開書卷時
傍危欄弄釣車稚子孤行八千里喜聞炊熟可
還家

自笑平生嬾是真閉門高枕動兼旬海棠千片
已隨水杜宇一聲無復春綠酒盈樽足忘老朱
櫻上市正當新今朝雨止通溪路又向沙頭岸

幅巾

初夏野興

得意烟霞不諱窮一菴聊寄寂寥中山從樹杪
參差見水過花陰曲折通閒倚胡牀遡新月時
停團扇受微風元知夢境無真實不待邯鄲覺
後空

夏雨

忽聞疎雨滴林梢起看油雲滿四郊行蟻君臣
初徙穴鳴鳩夫婦正爭巢築陂處處移新稻乘
屋家家補破節堪笑此翁惟羨睡孝先便腹任

印定士

卷八

陸律七言

四

譏嘲

自詒

愈老愈知生有涯此時一念不容差身如病鶴
長停料心似山僧已棄家高枕時時聞解籜卷
簾片片數飛花飯餘解帶摩便腹自取風爐煮
晚茶

長飢

病卧窮閭負聖時本來吾道合長飢朝不及夕
未妨樂死何如生行自知早年羞學仗下馬末
路幸似泥中龜烟波一葉會當逝吹笛高人有

素期

偶作夜雨詩明日讀而自笑別賦一首

俗情向者未全忘洗以縈簾一縷香得失故應
常浩浩是非正可付蒼蒼殘蟬不斷知秋近雙
燕歸來伴晝長誰識龜堂新力量東家却笑接
輿狂

晚至新塘

青鞵隨意出柴荆聊向南塘曳杖行歸鳥已從
烟際沒斷虹猶在柳梢明城頭層堦凌空立浦
口孤舟竝岸橫向道有詩渾不信為君擁鼻作

吳聲

枕上

呼兒初夜上門關怕冷貪眠自笑孱
月色橫分窓一半秋聲正在樹中間
暮年不復樽前樂浮世無如枕上閒
鍊句未安姑棄置明朝追記尚班班

縱筆

莫笑畸翁迫耄期從來不許俗人知
繫船慣聽巴東雨畫策曾從渭北師
袖劍客同樓上醉爛柯人看洞中碁
如今更欲滄溟去鯨浪浮天信

所之

秋晚湖上

已過西成賽廟期家家下麥不容遲
夕陽遍野人歸後秋水生灘鷺集時
靈藥不治懷抱惡好詩空益鬢毛衰
從來未識蘇司業愁絕西風滿酒旗

示子虞

好學承家夙所奇蠹編殘簡共娛嬉
一婚倘畢吾無累三釜雖微汝有期
聿弟元知是難弟德兒稍長豈常兒
要令舟過三山者弦誦常聞夜

艾時

小飲梅花下作

脫巾莫歎髮成絲六十年間萬首詩
排日醉過梅落後通宵吟到雪殘時
偶容後死寧非幸自乞歸耕已恨遲
青史滿前閒即讀幾人為我作
著龜

壬戌正月十五日

誰推園鏡上天東桂影婆娑滿鏡中
天宇更無雲一點譙門初報鼓三通
兒童草草杯盤喜鄰曲紛紛笑語同
逐祿豈能無聚散明年誰復伴

表翁

呂氏子夔郎求詩

乃祖身兼將相崇諸孫玉立有家風
此郎已復塵埃外它日相期氣類中
行已勤勤須自省讀書疊疊要新功
果能哮吼如獅子一瓣香應嗣
放翁

北窓懷友

中年妄意慕軻雄白首終希尺寸功
落落要居流俗外兢兢恐墮異端中
仰天俯地猶多愧飯豆羹藜已過豐
幸有北窓堪講學故交零落與

誰同

遊西村贈隱者

水清沙淨見遊魚
槐柳陰陰五月初
人似登仙惟火食
俗如太古欠巢居
熟聞高卧常扃戶
剩欲頻來共荷鋤
從此夢遊端有地
淵明不獨愛吾廬

醉舞

短帽蓂花舞道傍
年垂八十尚清狂
肯肯胎髮朝盈櫛
炯炯神光夕照梁
令尹閱人三仕已
太山在我一豪芒
藥苗麥飯初何欠
全取愚儒百

鍊剛

秋思

霜露初侵季子裘
山川空賦仲宣樓
夢回最怯聞衣杵
病起常憂負酒籌
日月往來雙轉轂
乾坤成壞一浮漚
書生事業無多許
二寸毛錐老未休

子聿欲暫歸山陰
見乃翁作惡遂不行
贈以此詩

鐘鳴豈復夜行時
文字相娛賴此兒
欲去復留知汝孝
未言先泣歎吾衰
兩篇易象能忘老
百

畝山畬可免飢但報家僮多釀酒一欄紅藥是
歸期

歎老

晨起梳頭滿鏡霜豈堪著脚少年場酒徒分散
情疎索棊敵憑陵意頡頏寓世極知均醉夢餘
生只合老畊桑石帆山下尊絲長待我還東泊
野航

東軒花時將過感懷

社雨晴時燕子飛園林何許覓芳菲江山良是
人誰在天地無私春又歸殘史有期成汗簡修

門即日挂朝衣人生念念皆堪悔敢效淵明歎
昨非

得子聿到家山後書

日日春陰愁出戶汝今恰遇十分晴桑林紫萼
纍纍熟稻隴青秧漫漫平夢好定知行路健書
來深慰倚門情柯橋道上山如畫早晚歸舟聽
鶻聲

初歸雜詠

小園五畝翦蓬蒿便覺人間迹可逃盡疏珍禽
添爾雅更書香草續離騷藥苗可斲攜長鏡黍

酒新成壓小槽老入鷓行方徹悟一官何處不徒勞

夏日

赫赫炎威日正中冰紈笛簟欲無功一心願伴沙頭鷺百計難呼木杪風纖手削瓜刀似水小甕分酒盞如空洗心幸有高樓月少待寒光出海東

村居

白首歸來亦灌畦任教隣里笑栖栖道心寧感兩雌雉生計惟存五母雞不恨閒門可羅爵本

知窮巷自多泥暮聞鼓角猶人境更欲移家入剡溪

送陳懷叔赴上臯酒官却還都下

奇才初試發硎刀疋馬秋風到上臯地近雖同三輔重時平無復五陵豪極知穩步烟霄路却要微知郡縣勞歸去平津開首燕吐茵應復忤西曹

冬初至法雲

曉日曛曛露未乾東中十月始微寒牛閑處處農功畢米賤家家酒盞寬烟浦白鷗迎鼓柁漁

村紅樹入憑闌歸舟莫恨無人語手把陶詩側
卧看

野興

掃盡紅塵閒是非舍傍好在舊苔磯壺中春色
松肪酒江上秋風櫛葉衣一片共知雲偶出千
年誰識鶴重歸勿言野外無供給雪後連山藥
草肥

連陰欲雪排悶

先生經旬甑生塵藜羹不污白氎巾魯連敢謂
天下士摩詰要是山中人溪從灘瘦愈刻厲山
自木落增嶙峋雲重惟愁雪欲作梅花忽報一
枝春

夢中賦早行

夜分秉炬治裝賫千里霜風入馬蹄擁褐却尋
孤驛夢垂鞭時聽近村雞荒烟漫漫沈殘月宿
莽離離上古隄天色漸分寒更力道傍沽酒坼
官泥

梅

若耶溪頭春意慳梅花獨秀愁空山逢時決非
桃李輩得道自保冰雪顏僊去要令天下惜折

來聊伴放翁閒人中商略誰堪比千載夷齊伯
仲間

初春書懷

愚公不解計安危行盡人間惡路歧難似車登
蛇退嶺險如舟過馬當祠平生憂患常難測送
老安閒敢自期一事不成應有命惟將知止報
明時

幽居春晚

老廢讎書病廢詩晝閒惟與睡相宜未尋內史
流觴地又近龐公上塚時花發遊蜂喧院落筍

長馴鹿入藩籬石帆山下春如許野老來招不
用辭

暮行

志士能輕萬戶封野人自愛一枝筇行窮綠岸
呼船渡糴得黃粱就碓舂林外人家明遠火月
邊僧閣下疎鐘江村不用愁孤絕小店茅簷儘
見容

野步至近村

耳目康寧手足輕村墟草市徧經行孝經章裏
觀初學麥飯香中喜太平婦女相呼同夜績比

鄰竭作事春耕勿言野饑無鹽酪筍蕨何妨淡
蕘羹

久雨

梅天一日幾陰晴對酒無聊醉不成巧曆莫能
知雨點孤桐那解寫溪聲林深鳥爵來無數草
茂鋤耨去即生明日雲開天萬里御風吾欲過
青城

題北窓

不嗔人作腐儒看斷簡堆中興未闡更事愈懷
憂國切苦心始覺著書難流泉激激人聲遠修

竹蕭蕭暑令寒四海諸公常共處北窓何地著
身寬

書懷

無事自能心太平有為終蔽性光明皮膚脫盡
見真理梁肉掃空甘菜羹處處浮家成野宿時
時策蹇作山行平生常笑羊裘老史冊猶存後
世名

理夢中意作

白盡髭鬚兩頰紅頰然自以放名翁客從謝事
歸時散詩到無人愛處工高挂蒲帆上黃鶴獨

吹銅笛過垂虹閒人浪迹由來事那計猿驚蕙
帳空

自規

大學淵源不易窮古人立志自童蒙醉猶溫克
方成德夢亦齋莊始見功痛哭孰能悲陷溺力
行猶足變雕蟲太空雲翳終當散吾道常如日
正中

述意

憂患無窮生有涯惟須百事屏紛華人誰敢侮
修身士天不能窮力穡家頻喚老僧同夜粥間
從鄰叟試秋茶結茅林下從來事瓦屋三間已
太奢

初寒示鄰曲

村北村南數十家陂池重複谷谿砢荻叢缺處
見漁火蓬戶閉時聞紡車淺瀨水清雙立鷺橫
林葉盡萬棲鴉是中佳興無窮極嬾著青鞵上
若耶

漁家

江上漁家水蘸扉閒雲片片傍苔磯釣收鷺下
虛舟立橋斷僧尋別徑歸海近岡巒多迤邐天

寒霧雨正霏微羊裘老作桐江叟點檢初心幸
未違

探梅

歲月相尋豈有窮早梅喚醒醉眠翁坐中酒量
人人別花底春風處處同白帝城邊微雪過青
衣江上夕陽紅錦囊空復殘詩在分付悲歡一
夢中

道室

簪遇風山第六爻翛然盡謝俗間交謀生舊買
雲三頃託宿新分鶴半巢露下丹芽生藥隴月

明金粉落松梢眉間喜動君知否借得丹經手
自抄

流年

冉冉流年迫耄期心情漸減舊兒嬉唾壺塵尾
已從省茶竈筆床猶自隨昨日客招東浦釣今
朝僧約北軒棋敢將輕健誇鄰里一笑元知要
及時

讀趙昌甫詩卷

蝸廬溽暑不可過把卷一讀趙子詩如遊麻源
第三谷忽見梅花開一枝寄書問訊不可得握

臂晤語應無期惟當飲水絕火食海山忽有相逢時

秋思

十日秋陰滿徑苔蓬門那有客敲推水邊丹葉已如許籬下黃花猶未開空見遊僧衡嶽去難逢新鴈杜陵來溪雲一片閒舒卷戀著漁磯不肯回

戲遣老懷

平生碌碌本無奇况是年垂九十時阿囷略如邵罷老釋孫能伴太翁嬉花前騎竹強名馬階

下埋盆便作池一笑不妨閒過日歎衰憂死却成癡

舊襲家風號散人晚承恩詔賜閒身放狂泥酒都忘老厚價收書不似貧霜曉方驚羣木脫春晴又喜一花新先生偶出人難遇陌上爭先看角巾

早春出遊

人生何適不難難賴是胃中萬斛寬尺宅常朱那待酒上池頻飲自成丹楚祠花發呼舟去禹穴雲生倚杖看更有新春堪喜事一村簫鼓祭

蠶官

望永思陵

高帝中興萬物春青衫曾忝綴廷紳仕為將相
却常事年及耄期能幾人早幸執爨觀北伐晚
叨秉筆記東巡歸耕况復蒼梧近鬱鬱葱葱佳
氣新

春日雜賦

人生覓飯元多術最下方為祿代耕脫却朝衫
猶老健快如苦雨得春晴鳥聲頻喚五更夢花
氣頓醒三日醒最喜晨興聞剝啄吾兒書札到

紫荊

泛湖

白鷺雙飛導我前自疑身是水中仙放舟漢客
樵風裏擲釣秦皇酒甕邊山寺雲間傳講鼓漁
家浦口起炊烟箇中得意君知否買盡烟波不
用錢

秦皇酒甕下垂釣偶賦

酒甕山邊古釣磯沙鷗與我共斜暉目前雖有
小得喪天下豈無公是非滄海橫流何日定古
人復起欲誰歸道邊醉倒君奚憾豈失風塵一

布衣

泛舟至近村茅徐兩舍勞以尊酒

小舸悠颺亦樂哉迢迢故取北村回山從樹外
參差出水自城陰曲折來樂歲共忘東作苦殘
租不待急符催舊鄰父老睽離久喚取開顏把
一杯

再次前韻

少壯即今安在哉輕舟訪舊莫輕回兒童擁岸
迎舟入婦女窺籬喜客來多難只成雙鬢改流
年更著暮笳催放懷魚鳥平生事少住茅檐盡

此杯

倚筇

老翁愈老欲安歸歸卧稽山飽蕨薇未免解牛
逢肯綮豈能相馬造精微靈山有士拈花笑闕
里何人鼓瑟希我亦倚筇桑竹下白鬢蕭颯滿
斜暉

觀邸報感懷

六聖涵濡壽域民老牟肝膽尚輪囷難求壯士
白羽箭且岸先生烏角巾幽谷主盟猿鶴社扁
舟自適水雲身却看長劍空三歎上蔡臨淮奏

捷頻

柴門

寂寞柴門不徹扃
槐花細細糝空庭
晚梅摘得鹽供飮
濁酒沽來草塞瓶
病已廢耕拋襪襖
閒猶持釣愛笻筇
經旬莫恨無來客
交舊踈如欲朝星

次韻邢德允見贈

人間榮瘁固難窮
歲月推遷即老翁
馬駿初非凡眼識
源深終與大川通
細思渭北希高價
終勝淮南誚叢蒙
莫學三山頑鈍叟
一生空耗太

倉紅

秋夜獨坐聞里中鼓吹聲

收盡浮雲見素娥
青天脉脉映明河
時平里巷吹彈鬧
歲熟人家嫁娶多
高會不知清夜永
散歸想見醉顏酡
小窓燈火晶瑩處
也有人賡七月歌

自述

早畏危機避巧丸
長安未到意先闌
心如老馬雖知路
身似鳴蛙不屬官
閒駕柴車無遠近
旋沽村酒半甜酸
羣兒何足勞情恕
曾次從初抵

印定士陸律七言

卷八

陸律七言

十九

海寬

憶昔

憶昔梁州夜枕戈東歸如此壯心何蹉跎已失
邯鄲步悲壯空傳勅勒歌今日扁舟釣烟水當
時重鎧渡冰河自憐一覺寒窓夢尚想浯溪石
可磨

九月一日未明起坐

病骨清羸八十餘空齋淒冷五更初忽聞雲表
新來鴈起讀燈前未竟書坐久屢傳雞喔喔夢
殘猶化蝶蘧蘧農功漸畢身無事約束家童種

晚蔬

秋晚雨中作

新鴈南來歲又殘蕭蕭風雨暗江干客踈似悉
爾來病酒薄不禁如許寒草絡籬頭花尚碧樹
當浦口葉初丹醉來且擁黃紬睡莫問何時后
土乾

冬晴

歲莫常年雪正豪今年暄暖減綈袍春回山圃
梅爭發睡足茆簷日已高倉庾家家儲舊穀笙
歌店店賣新醪太平氣象方如許寄語殘胡早

道逃

幽事

老大常愁節物催東皇又挽斗杓回江天慘慘不成雪山驛蕭蕭初見梅隱士寄雲從地肺遊僧問路上天台戲書幽事無時闕古錦詩囊莫莫開

去新春纔旬餘霽色可愛

宦遊強半侍僊祠况是懸車耄及時厚薄人情窮易見陰晴天氣病先知綠樽一醉真當勉白髮千莖莫自疑野渡山村梅柳動身閒何處不

熙熙

初春幽居

小築園林淺鑿池身閒隨事得遊嬉幽花折得露猶溼嘉木移來根不知小蝶弄晴飛不去珍禽喜靜語多時風光未忍輕拋擲聊付詩囊與酒卮

近村

去去柴車十里中竹林密處路纔通漸聞水磴知村近遙望禾囷喜歲豐漁艇往來春浪碧人家高下夕陽紅百錢又向旗亭醉自笑吾生亦

未窮

茅舍

茅舍晨雞復暝鴉莫年別自是生涯貪眠久已
遺人事對酒猶能惜物華出有兒孫持几杖歸
從鄰曲話桑麻日長亦莫憎春困小竈何妨自
煮茶

春晚

南陌東阡自在身黃塵不污接羅巾無方可染
星星鬢有酒能留盞盞春下豉已添尊菜羹銜
泥又見燕巢新作公何益幸毗事且是人間九

十人

春陰溪上小軒作

午醉初醒倚釣軒悠然無與共清言風微僅足
吹花片雨細纔能見水痕杳杳暝鐘浮遠浦離
離烟樹識孤村故人萬里岷山下安得書來慰
斷魂

自九里平水至雲門陶山歷龍瑞禹祠而
歸凡四日

細雨如絲映晚暉店家小憇換征衣春農耕罷
負犂去村社祭餘懷肉歸黃犢自依殘照卧白

鷗爭傍小灘飛道邊舊識凋零盡誰記遼天老
令威

閒遊所至少留得長句

垣屋參差桑竹繁意行漫漫不知村眼明可數
遠山疊足健直窮流水源鷺引釣船經荻浦牛
隨牧笛入柴門試尋高處休行李清絕應須入
夢魂

太平人物自諧嬉及我青鞵布襪時丁壯趁晴
收早粟比鄰結伴絡新絲圓顰坎坎迎神社大
字翩翩賣酒旗晤語豈無黃叔度欲尋幽徑過

牛醫

北窓

半世蟬嘶坐北窓老年依舊守殘釭買書安得
黃金百覓句如求白璧雙老氣尚思吞夢澤壯
遊曾是釣巴江寒生事業秋毫盡筆力終慙鼎
可扛

志喜

雪鬢蕭蕭九十翁短檠猶喜策新功斷輪自得
不傳處治水本行無事中山市兒童隨小蹇江
村烟雨宿孤篷更知衰疾從今減萬里塵清蜀

藥通

霜夜

月淡霜清夜漏遲
鐘杳杳度南陂
燈殘有恨欲誰語
雞老無聲如我衰
使入蜀川方在道
書傳淮浦定何時
若為可遣閒愁得
獨擁寒爐爇豆箕

家釀頗勁戲作

千古英雄骨作塵
不如一醉却關身
鼎來雖恨王陵鷲
熟味方知孟子醇
試問浩歌遺世事
何如酣枕養天真
竹林嵇阮雖名勝
要是淵明最

可人

書齋壁

烟水雲山千萬重
散人名號繼吾宗
買雞養就冲霄鶴
拾子栽成偃蓋松
父老年年同社酒
兒孫世世作春農
晚窓睡覺添幽事
卧聽蘭亭古寺鐘

雪意

風吼江郊雪意濃
雲如兩陣決雌雄
山寒酒過平時量
窓黑書虧半日功
閒話更端茶竈熟
清詩分韻地爐紅
不須遽覓華胥路
更俟天花落

御定詩法卷八

陸律

七言

二十四

坐中

晚晴出行近村閒詠景物

雪雲吹盡木陰移正是先生曳杖時老特行將
新長犢空桑卧出寄生枝醫翁莫過囊探藥筮
叟晨占手布著誰謂人間足憂患未妨古俗自
熙熙

書感

舞非得譜拍拍錯行未知津步步危劫石消磨
會當盡太行突兀乃可移清晨瓦釜煮藜粥遙
夜地爐燒豆萁此中正自有佳處區區外慕寧

非癡

春晴

常年春日少春晴拂面今朝暝吹輕水閣家家
橫小舫園亭處處聽新鶯桃花不管詩人老菖
葉空催野叟畊自笑此生餘幾許銅駝荆棘尚
關情

園中晚飯示兒子

一飽何心慕萬鍾小園父子自相從蚍蜉布陣
雨將作蛺蝶成團春已濃澗底束薪供晚爨街
頭糴米續晨春盤餐莫恨無蕪味自繞荒畦摘

芥菘

魯墟舟中作

春浦南來元不到
畫橈偶復入鷗羣
人家遠火林間見
船底微波枕上聞
山口正銜初出月
渡頭未散欲歸雲
錦囊詩草新寥落
得句猶堪寄一欣

息封渭南伯唐詩人趙嘏為渭南尉當時謂之趙渭南後來將以予為陸渭南乎戲作長句

老向人間久倦遊
君息乞與渭川秋
虛名定作

陳驚坐好句真慙趙
倚樓棧豆十年露
病馬烟波萬里著
浮鷗就封他日輕
裘去應過三峯處
處留

閒遊

柴車去去度橫陂
正是春殘入夏時
果熟多藏新密葉
鶯啼偏占最高枝
迷途每就傭畊問
薄飯時從逆旅炊
隨意題詩無傑思
還家猶足詫吾兒

衡門獨立

春歸堪笑又忽忽
水白秧青細雨濛
溪鳥低飛

畫橋外路人相值綠陰中
宋清藥券負來積李
賀詩囊病後空惟有劇談能一洗芳尊那得故人同

初夏雜興

終日頽然蠹簡中
門前烟水浩無窮
百年等是一枯塚
四海應無兩放翁
栗玉長枝挑苦筍
胭脂小把翦防風
地偏日永閒無事
擬著珍蔬譜一通

即事

唐虞千載仰巍巍
太息儒生每背馳
經未盡亡

君更考古無不死
我何悲釣耕本是求賢地
宵旰今逢願治時
寄謝公卿各努力
為吾君築太平基

初秋驟涼

我比嚴光勝一籌
不教俗眼識羊裘
滄波萬頃江湖晚
漁唱一聲天地秋
飲酒何嘗能作病
登樓是處可消憂
名山海內知何限
準擬從今更爛遊

秋夜

局促人間每鮮歡
秋來病骨愈酸寒
夾衣尚典

鴈聲過斷簡未收雞唱殘退士鬢毛紛似雪老
臣心事炳如丹燈前握臂無交舊聊喚清尊少
自寬

訪村老

強健如翁舉世稀夜深容我叩門扉大兒叱犢
戴星出稚子捕魚乘月歸骨肉團圓藥無遠別比
鄰假使不相違人間可羨惟農畝又見秋燈照
搗衣

讀老子有感

左史倚相讀皇墳學者尚得窺全渾孰為武成

二三策寧取道德五千言巢居結繩事益遠澆
淳散朴忍復論安得深山老不死坐待古俗還
羲軒

獨坐

博山香霧散緋緋袖手何妨靜掩扉六十年前
故人盡八千里外寄書稀昨朝送客桐江去今
日逢僧剡縣歸欲作小詩還復嬾海鷗與我兩
忘機

梅村野人家小憇

正遣清詩覓菊栽穿雲涉水又尋梅萬牛不挽

新愁去一鳥還驚午夢回老媿逢人說幽憤窮
能隨事學低摧江邊漂母何為者無食王孫未
易哀

陳讓堰市中遇吳氏老自言七十六歲與
語久之及歸送予過市猶戀戀不忍去

就店煮茶古堰邊偶逢父老便忘年嗟予空忝
十年長聞道慙無一日先壯子當門能碌碌諸
孫承業亦翩翩熟思遊宦終何得悔不從公曝
背眠

小園

小園草木手栽培衰丈清池數尺臺拄杖倦時
閒倚壁芳醪熟後喜傳杯春蕪滿地鹿忘去夏
木成陰鶯自來堪笑山童慙飽食時時走報一
花開

偶思蜀道有賦

天回驛畔江如涑鳳集城邊柳似搓萬事已隨
流水去一尊將奈夕陽何是非無定言何益窮
達徐觀得孰多幸有漁叢歸故里不妨高枕且
酣歌

山行

閒人日日得閒行况值今朝小雨晴水淺遊魚
渾可數山深藥草半無名臨溪旋喚罾船渡過
寺初聞浴鼓聲小醉未應風味減滿盤青杏伴
朱櫻

舟中有賦

一枝柔艣聽咿啞炊稻來依野老家山寺日中
齋鼓動江樓風急酒旗斜綠梢嫋嫋搖新竹翠
蔓離離熟早瓜閒客去留隨所遇不知何處送
樓鴉

反遠遊

賣却貂裘買釣舟久將身世付悠悠行歌西郭
紅橋路爛醉東關白堦秋夜泊驛亭觀月上曉
登僧閣聽猿愁一生身屬官倉米剩喜殘年得
自由

九月二十五日雞鳴前起待朝

堪笑枯腸漸畏茶夜闌坐起聽城笳爐温自撥
深培火燈暗猶垂半結花斷夢不妨尋枕上孤
愁還似客天涯掃塵拾得殘詩藁滿紙風鴉字
半斜

榮歸

車馬填門撥不開吾宗得雋凱歌回折將蟾苑
一枝桂泛入萱堂百歲杯雅望素欽山竦岳芳
名中占斗中魁先登賴子光邦族繼踵行看袞
袞來

御定杜陸千選卷之八

右杜陸千選杜律五七言五百首陸律五七
言五百首凡八編編既成 教校印諸臣若
曰夫詩本之二南參之列國正之於雅和之
於頌為勸懲黜陟之方而必使其中也養不
中才也養不才養之所以教之也教之所以
化之也閱博敦厚長士氣廉恥節禮淑人心
非仁勿居非義勿踐孝悌為纓弁忠信為履
綦則莫不由於人主之本原也故宮庭屋漏
之邃起居語默之微思與元元同其福而百
年以來士大夫翱翔館閣以文章翰墨相娛

沿襲華靡大樸日散無復三古之音久矣予
聞善觀世者不觀乎吏治而觀乎人文大抵
壽原於樂樂生於心心樂則神怡神怡則性
定性定則氣和在天而為慶雲景星在地而
為紫草靈泉在人而為玉佩金章在物而為
威鳳瑞麟由是而合千萬世之理道由是而
演千萬世之語言此所以敬選朱夫子詩題
其篇曰雅誦也詩云周王壽考遐不作人予
竊有所取義焉夫子又嘗曰光明正大疏暢
洞達磊磊落落無纖芥之可疑者於唐得工

部杜先生夫子亞聖也於人物臧否一言重
於九鼎而其稱道杜工部乃如此者豈非讀
其詩而知其人也歟如陸務觀與夫子同時
而夫子尚許之以和平粹美有中原昇平氣
像則當今之時等古之世教其民而化其俗
捨杜陸奚以哉蟋蟀綿蠻蟲鳥之吟也蒼葭
白露時物之變也固無係於修己治人之工
而聖人表之以為經者以其節族音響之間
興動振作之效自有不能已者若以月露風
花命杜陸而少之是誠不知詩者於乎跋履

山川之間從容憲度之中忠君愛國之誠油然通發於秋興諸作而不待夫子之筆能帝蜀而寇魏則杜子也酹隆州之劍而歎石帆之鏡慨六飛之南渡恨二轅之北狩起聞江聲瀕洞傑然有鍊衣東征之想則陸子也予時讀春秋左氏傳起感於山榛隰苓之什歷選三百篇以後能得三百篇之大旨者惟杜陸其庶幾乎懋昭六宮之政琮璜瑤瑤之訓自家而國聲施及遠予固以三百篇為歸而取則於雅誦潤色於杜陸則惟在人自得之

之如何孟子不云乎自得之則居之安資之深予於此亦云遂選杜陸近體千首名之曰杜陸千選即無論才與不才讀此選者雖不中不遠矣蕪欲觀有勸有懲而措之於黜陟之政此可與知者道也臣等拜稽受命乃以內閣所藏

英陵朝甲寅本 當字丁酉字印頒于世時
聖上光御之二十有三年臘旬也

